

ՀՍՍՀ ԳԻՏՈՒԹՅՈՒՆՆԵՐԻ ԱԿԱԴԵՄԻԱՅԻ ՏԱՐԵԿԱՆ ԸՆԴՀԱՆՈՒՐ ԺՈՂՈՎՐ

Մարտի 30—31 տեղի ունեցավ ՀՍՍՀ գիտության և արտադրության կապը վերաբերյալ ընդհանուր ժողովը, որին ներկա էին ընկ. ընկ. Վ. Ս. Գեմալյանը, Բ. Ե. Սարգսյանը, Կ. Լ. Դավթյանը, Գ. Ա. Մարտիրոսյանը, Լ. Ն. Ներսիսյանը, Բ. Զ. Սվետլանովա:

Ժողովը ներածական խոսքով բացեց ՀՍՍՀ ԳԱ պրեզիդենտ. ակադեմիկոս Վ. Հ. Համբարձումյանը: Նա ընդգծեց, որ այս տարի ժողովը տեղի է ունենում ՍՄԿԿ XXV համագումարի ավարտվելուց անմիջապես հետո, համագումար, որը հստակորեն ձևակերպեց սովետական հասարակության կյանքում գիտության տեղն ու դերը, Համագումարում Լ. Ի. Բրեժնևի բովանդակվող զեկուցման մեջ, ասաց Վ. Հ. Համբարձումյանը, բարձր գնահատական տրվեց ՍՍՀԳ գիտությունների ակադեմիայի գործունեությանը, Մենք, սովետական գիտության աշխատողներ, գտնում ենք, որ դա մեզ պարտավորեցնում է էլ ավելի լավ աշխատել, բարձրացնել մեր հետազոտությունների արդյունավետությունն ու որակը, էլ ավելի ակտիվորեն մասնակցել երկրի էկոնոմիկայի և կուլտուրայի հետագա զարգացման խնդիրների լուծմանը: Այնուհետև նա նշեց, որ 9-րդ հրահանգի տարիներին ֆունդամենտալ և կիրառական գիտությունների մի շարք բնագավառներում ՀՍՍՀ ԳԱ գիտական կոլեկտիվները զգալի հաջողությունների հասան: Դրա հետ միասին ակադեմիայի գործունեության մեջ դեռևս կան լուրջ թերություններ: Այսպես, դեռևս գիտական մշակումները քիչ և դանդաղ են արժատավորվում հանրապետության ժողովրդական տնտեսության մեջ, պատշաճ մակարդակի վրա չէ գիտական հետազոտությունների որակը, որի պատճառներից մեկն է գիտական նորագույն սարքավորումների և ապարատների անբավարար օգտագործումը: Վ. Հ. Համբարձումյանն ընդգծեց, որ անհրաժեշտ է ավելի վճարական պայքար մղել մանրաթեմայինության, ուժերի ու միջոցների փոշիացման դեմ, հստակորեն սահմանել գիտական հետազոտությունների հիմնական

ուղղությունները, ամրապնդել գիտության և արտադրության կապը: Վերջում Վ. Հ. Համբարձումյանը կանգ առավ մեր հանրապետության համար առանձնապես հեռանկարային գիտական ուղղությունների վրա:

Այնուհետև հանձնվեցին ՀՍՍՀ ԳԱ պրեզիդենտի Գիտությանը մատուցած մեծ ծառայությունների համար ՎՄԵժարման գերա ստացան ՀՍՍՀ ԳԱ ակադեմիկոսներ Ս. Տ. Երեմյանը և Բ. Ա. Ֆանուրյանը:

Երկարամյա բեղմնավոր գիտական գործունեության համար ՎՄԵժարման պարգևատրվեցին ՀՍՍՀ ԳԱ թղթակից-անդամներ Հ. Տ. Ադունցը, Ս. Հ. Միրզոյանը, Վ. Գ. Մխիթարյանը, երկրաբանական-հանքաբանական գիտությունների դոկտոր՝ Է. Ա. Խաչատրյանը, ճարտարապետության թեկնածու՝ Ա. Ա. Սաֆինյանը:

1975 թ. արժեքավոր գիտական հետազոտություններ կատարած և պրակտիկայում մշակումների արժատավորմանը մասնակցած մի մեծ խումբ գիտնականներ արժանացան Գրովեստագրի:

Հանրապետության գիտությունների ակադեմիայի 1975 թ. գործունեության հիմնական արդյունքների մասին զեկուցումով հանդես եկավ ակադեմիայի գլխավոր գիտնական ճարտուղար, ՀՍՍՀ ԳԱ թղթակից-անդամ Ս. Ա. Բախունցը: Նա ասաց, որ 1975 թ. ակադեմիայի գործունեությունն ընթացել է աշխատանքների ժամանակին և որակով կատարման, մշակումների արդյունավետության հետագա բարձրացման, արտադրության հետ գիտության կապի ամրապնդման և ժողովրդական տնտեսության մեջ գիտական հետազոտությունների արդյունքների ներդրման ընթացքի արագացնելու ուղղությամբ: ՀՍՍՀ գիտական հիմնարկները 1975 թ. մշակում էին 447 թեմա ընդգրկող 130 պրոբլեմ: Պրակտիկայում փաստորեն ներդրված է 54 աշխատանք:

Խոսելով պրակտիկայի հետ գիտության կապի ամրապնդման մասին, զեկուցողը նշեց, որ այդ գործում մեծ նշանակություն ունի մասնա-

վորապես ինստիտուտների փորձնական բազաների կազմակերպումը, Զեկուցման մեջ մեծ տեղ հատկացվեց գիտական կոլեկտիվների գործունեության կոորդինացման հարցերին:

Ս. Ա. Բակունցը վերլուծեց ակադեմիայի նախագահության, բաժանմունքների, հրատարակչությունների և գրադարանների գործունեությունը: Զեկուցողը կանգ առավ նաև կարգերի պատրաստման, գիտական նստաշրջանների, կոնֆերանսների, գիտաժողովների կազմակերպման հարցի վրա:

Զեկուցման շուրջը ծավալվեց մտքերի աշխույժ փոխանակություն, որին մասնակցեցին ակադեմիկոսներ Ա. Ռ. Հովհաննիսյանը, Ա. Բ. Նալբանդյանը, Մ. Գ. Ներսիսյանը, Ս. Ն. Մերգելյանը, ակադեմիայի թղթակից-անդամներ Ա. Տ.

Ասլանյանը, Մ. Լ. Տեր-Միքայելյանը: Նրանք խոսեցին կուսակցության XXV համագումարի որոշումների լույսի ներքո ՀՍՍՀ ԳԱ գիտական հիմնարկների առջև դրված խնդիրների մասին, բացահայտեցին աշխատանքներում տեղ զտած թերությունները:

Ժողովում «նոր տվյալներ օրգանիզմի երկաթ և պղինձ պարունակող մի քանի սպիտակուցների մասին զեկուցումով հանդես եկավ ակադեմիկոս Հ. Խ. Բունիաթյանը: Ակադեմիկոս Մ. Ք. Զայլախյանի զեկուցման թեման էր «Բույսերի ծաղկման կարգավորման մեխանիզմ»:

ՀՍՍՀ ԳԱ տարեկան ժողովը ակադեմիայի կանոնադրության մեջ մտքերը մասնակի փոփոխություններ, ինչպես նաև քննարկեց կազմակերպչական հարցեր:

ՀՍՍՀ ԳԱ ՀԱՍԱՐԱԿԱԿԱՆ ԳԻՏՈՒԹՅՈՒՆՆԵՐԻ ՐԱԺԱՆՄՈՒՆՔԻ ՏԱՐԵԿԱՆ ԺՈՂՈՎԸ

Մարտի 26-ին տեղի ունեցավ ՀՍՍՀ ԳԱ հասարակական գիտությունների բաժանմունքի տարեկան ժողովը: Բաժանմունքի գիտական հիմնարկների 1975 թ. գործունեության մասին հաշվետու զեկուցումով հանդես եկավ հասարակական գիտությունների բաժանմունքի ակադեմիկոս-քարտուղար, ակադեմիկոս Մ. Պ. Աղայանը: Նա հանգամանորեն վերլուծեց բաժանմունքի բյուրոյի և գիտական հիմնարկների գործունեությունը և նշեց, որ նրանք հասել են զգալի հաջողությունների: Բաժանմունքի գիտական հիմնարկները, ասաց զեկուցողը, նոր սոցիալիստական պարտավորություններ են վերցրել 1976 թ. լավագույն հաջողություններով ավարտելու համար: Այնուհետև Մ. Պ. Աղայանը նշեց, որ հաջողությունների կողքին առկա են նաև որոշ թերություններ, որոնց վերացումը կնպաստի բաժանմունքի գիտական հիմնարկների գործունեության էլ ավելի քարելավմանը:

Վերջում զեկուցողը շեշտեց, որ 1976 թ. 10-րդ հնգամյակի առաջին տարին, պարտավորեցնում է ավելի մեծ եռանդով աշխատել հանուն սովետական գիտության հետագա զարգացման և առաջընթացի, հանուն մեր հայրենիքի բարգավաճման ու հզորացման, հանուն ՍՄԿԿ XXV համագումարի պատմական որոշումների

անթերի կատարման:

Բաժանմունքների ակադեմիկոսների և թղթակից-անդամների 1975 թ. գործունեության մասին զեկուցեց ՀՍՍՀ ԳԱ թղթակից-անդամ Գ. Ա. Բրուտյանը:

Մ. Պ. Աղայանի զեկուցման շուրջը ծավալվեց մտքերի աշխույժ փոխանակություն, որին մասնակցեցին ակադեմիկոսներ Ա. Ա. Առաքելյանը, Ա. Ս. Ղաթիբյանը, Բ. Ն. Առաքելյանը, ՀՍՍՀ ԳԱ թղթակից-անդամներ Է. Բ. Ազայանը, Մ. Ս. Հասրաթյանը, պատմական գիտությունների դոկտոր Ա. Հ. Հաբաթյանը և իրավաբանական գիտությունների դոկտոր Ա. Զ. Բեգլյանը: Նրանք խոսեցին շրջապատող միջավայրի պաշտպանության, ՀՍՍՀ ԳԱ հրատարակչական բազայի ամրապնդման, հնագիտական հուշարձանների պահպանության, գիտական կոորդինացիայի բարելավման, բաժանմունքին կից գրադարանի ստեղծելու և այլ հարցերի մասին:

Ժողովում «Պատմության փիլիսոփայության հիմնական հարցերը զեկուցմամբ հանդես եկավ ՀՍՍՀ ԳԱ թղթակից-անդամ Վ. Կ. Զալալյանը:

Հասարակական գիտությունների բաժանմունքի տարեկան ժողովը քննարկեց նաև կազմակերպչական հարցեր: